

Kampung Cheras Baru dibersihkan

KOSMO
6/6/06 (Selasa)

KUALA LUMPUR – Peka terhadap permasalahan yang menimpa penduduk Kampung Cheras Baru di sini, tindakan segera telah diambil Alam Flora Sdn. Bhd. bagi mengatasinya.

Kelmarin, Alam Flora telah membersihkan longkang di Jalan 3, Kampung Cheras Baru bagi mengelakkan berulangnya kejadian banjir kilat.

Menurut jurucakap Alam Flora, kejadian banjir kilat yang berlaku disebabkan longkang dipenuhi sampah-sarap selain pasir dan tanah yang mendap.

“Sikap segelintir penduduk yang membuang sampah ke dalam longkang menyebabkan ia tersumbat.

“Sementara pasir dan tanah yang mendap itu dipercayai datang dari kawasan bukit berdekatan,” katanya.

Jelasnya, kerja-kerja pembersihan dilakukan menggunakan mesin ‘Vac-All’ yang akan menyedut segala keladak dan kotoran di dalam longkang.

“Kami jangka kerja-kerja pembersihan akan selesai hari ini juga (kelmarin),” ujarinya.

KOSMO! pada 2 Jun lalu menyiarkan keluhan penduduk Kampung Cheras Baru yang sering dilanda banjir kilat setiap kali hujan lebat.



PEKERJA Alam Flora giat membersihkan longkang di Jalan 3, Kampung Cheras Baru kelmarin.